



UKA2018/136

14/11-2018

Malene Vahl Rasmussen

Meeqgerivinni pikkorissunik sulisoqalernissaq anguniarlugu qanoq iliorluta perorsaasutut ilinniarnerup sulinissallu pilerinarnerulernissaa pillugu apeqquteqaat allaavigalugu oqallinnissamik siunnersuut.
(Inatsisartuni ilaasortaq Nivi Olsen, Demokraatit)

Siullermik Nivi Olsen qutsavigerusuppara manna oqallinneq pingaaruteqarluinnartoq qaqimmagu.

Tamatta ilisimagunarpaput ajornartorsiut qanoq angitigisoq aamma politikeritut pisussaaffingaarpus meerartatta pitsasumik peroriartornissaat pillugu sapinngisamik pitsaanerpaanik sinaakkusersuinissarput.

Saqqumilaaraluttuinnarpoq angajoqqaat tusagassaqtitsivinnut maalaaruteqartarnerat nunatsinni meeqgeriviit ajorluinnarnerat pillugu uangullu politikerit tamanna tusaanngitsuusaaginnarsinnaajunnaarpaput.

Matumani oqallinnermi tamatta pineqarpugut, meeqgerivinnimi pisinnaatitaaffik naapertorlugu paarineqarsinnaannginneq kinguaariit tulliinut kingunerlorujussuarsinnaavoq aamma kingunipiluit tamakku aatsaat siunissami ungasissumi sunniuteqalersussaapput.

Nuannaarutigaarpus inuit meerartaarusuttarmata aamma siunissami sulisussat amerlanerit pisariaqartilersussaavagut taamaattumik aamma pingaaruteqarpoq perorsaasussaaleqinerup sukumiisumik paasineqarnissaa.

Angajoqqaat ullaakkut meeqqatik meeqgerivinnut tunniukkaangamikkit sulisut isumallutigisarpaat aamma ajoraluartumik ilaannikkut angajoqqaat ingerlaqqikkusunneq ajorput takusinnaasaramikku sulisut ikittuaqqat meerarpassuarnut paarsisariaqartartut, angajoqqaat ernumanerat paasilluarsinnaavarput, meeqqammi angerlarsimaffiup avataaniinnerminni sivisunerpaamik meeqgerivimmietarmata.

Inulerisut nunatsinni tamarmik amingaataasupilussuupput, meeqgerivik, napparsimavik, utoqqaat illuat taamatullu ulloq unnuarlut angerlarsimaffiit pineqaraluarpataluunniit.

Inuaqatigiinni inuppassuit sumiginnartarpagut sinaakkutinik pitsasunik pilersitsisimannginnerput pissutigalugu.

Uggornaqaaq misissuinerit inernerri Inatsisartunut saqqummiunneqartussaasimagaluartut naammassineqarsimanngimmata upernaaq Inatsisartunut qinersineq pissutigalugu.

Meeqqanik/inunnik sullissineq pilerinartungortittariaqarparput aamma siullerpaatut akissarsiat qiviarneqassasut isumaqarpugut, pingaarutilerujussuuvoq innuttaasunut sullissinerup pingaarutaata akissarsiani takuneqarsinnaanissaa. Ajoraluartumik ullumikkut takujuarpagut pingaarutilinnik suliallit akissarsialuttupilussuusartut taamaattumik immikkoortuni pineqartuni sulinissaq pilerigineqarneq ajorpoq



aamma tamanna ajoraluartumik meeqgerivinni perorsaasussaaleqinerujussuarput pissutaavoq, allatut ajornartumik siunnersuutip oqarneratut perorsaasunik amerlanerusunik ilinniartitsisariaqarpugut.

Sulisussat qulakkeertariaqarpagut, angajoqqaat sulinerminni toqqissisimaqqullugit meeqqat meeqgerivinni paarineqarnerini. Tamanna inuiaqatigii ingerlalluarnissaannut pingaarutilerujussuuvoq, meerartagummi isumannaatsumik toqqissismallutilu peroriartortariaqarput, aallaqqaataaniik pitsasumik inuunertik tunngavississagunikku.

Aamma ajoraluartumik meeqgerivinni inissat inuit nuuttariaqarnerannut pissutaaqataasарput, illoqarfimmut allamut imaluunniit ajornerpaamik pisoqarpat, nunartik qimallugu, taamaattoqarsinnaanngilaq, taamaattumik neriuupugut Naalakkersuisut ajornartorsiut paasilluaqqissaarumaaraat tamattami siunissarput pineqarmat.

Oqallilluartoqarnissaanut qilanaarpugut.